

續修廬州府志

知 230.11  
不 771-6 138  
部 3:18

卷三十七

忠義傳三

卷三十八

忠義傳四



續修廬州府志卷三十七

花翎道銜江南安徽廬州府知府清泉黃 雲總修

忠義傳三

國朝

柯雙廬江人爲邑邏卒順治三年冬流賊尙出沒舒廬  
閒雙夜巡城至城關東北隅忽大呼賊至守城人役驚  
起見雙頭顱已碎不見賊也次早諜知賊夜從數十騎  
由冷水關去蓋其時賊有潛入城者見爲雙覺急殺之  
緝而出知縣周迓祚葬之城隍廟前爲文祭之

通志  
縣志

王承業字祥字號瓊山廬江人少雄傑有異才初隸豫  
王麾下陳將軍積二十年稍授偏裨康熙二年從平金

續修廬州府志

卷三十七

忠義傳三

一

厦兩島擢潮州中營游擊歷陞副總兵庚申平吳三桂  
特授援勦廣西雲貴中鎮總兵官時三桂姪世琮率十  
萬眾分屯黔粵要害而結中堅於南甯山承業設奇犄  
角奮勇入其陣世琮遂成擒自陶鄧山柳州石門坎安  
籠所黃草壩曲靖府抵雲南會城大小三十餘戰賊每  
覬王將軍旂幟輒相誠引避壬戌春官軍會勦雲南城  
承業單騎持鞭爲諸將先薄城下礮傷墜馬猶裹首持  
雙刀殺賊百餘賊攢槊刺殺之事聞贈右都督

賜葬銀一千一百兩

命官致祭廕子良駿守備雍正五年奉

旨入忠義祠乾隆六十年襲其七代孫師曾爲恩騎尉奉其祀

嘉慶志  
縣志

劉承恩字公亮廬江人年二十從戎哨海口有功歷官廣東潮州副將從征吳逆以功陞廣西後營總兵都督僉事大小三十餘戰所向披靡復永淳等處皆有功後以力戰陣亡康熙三十年開查功績登一統志乾隆二十六年祀昭忠祠襲六代孫爲恩騎尉奉其祀通志縣志汪維祚廬江人湖北試用縣主簿咸豐二年奉委解餉遇賊殉節奉

旨贈鹽運司經歷銜通志縣志

鮑豐基字詩臣廬江人六品銜庠生原籍舒城善音律喜任俠嘗捐貲獨置水機一架聞火警輒短褐草履親率子姪僕輩奔救必撲熄乃止咸豐三年起練助吳廷香攻克縣城賊旋來撲以糧匱城陷力戰死之事聞得

續修廬州府志 卷三十七 忠義傳三

旨卹入總祠總坊給雲騎尉世職縣志

吳鑑盤號銘之廬江人增生性剛直爲學刻苦自勵道光中水災迭見嘗出穀賑饑咸豐三年九月逆酋孟汝建糾數萬眾自安慶來犯邑城道經黃泥河鑑盤率練截擊眾寡不敵賊搜得練名册乃按册索之至鑑盤宅鑑盤衣冠端坐中堂賊脅之降厲聲曰吾清白士知殺賊不知降賊也賊怒斷其指神色自若割其舌猶喃喃罵不絕口遂炮烙死賊以其首倡團練復寸磔其尸文生龐光勳亦不屈被難同死者四百七十七人鄉人立

祠祀焉後經兩江總督馬新貽奏給雲騎尉世職縣志

周啟發廬江人少有豪氣廢讀習騎射嘗聽人講論忠

節事輒動容咸豐初粵逆陷城遂矢志殺賊尋棄家投

撫標積功保至藍翎都司巡撫福濟檄回籍辦團練並

覘賊蹤至冷水關被執逼吐大營軍情不應賊遂燒巨

燭炙兩臂慘酷備至不洩半語賊又誑以直告赦不殺

啟發瞋目叱曰吾豈懼死之人哉殺則殺耳何必多言

賊怒射殺之同行八品銜王必達洪志仁不屈亦被害

采訪冊  
縣志

凌時安廬江人衛千總寓江甯咸豐三年城陷脅充偽

職不從死子普保同死縣志

續修廬州府志 卷三十七 忠義傳三

三

高彬廬江人監生成豐三年賊入境衣冠端坐罵賊死

縣志

錢泰生廬江人勇目咸豐三年邑城陷戰死又有陳祖

懃是年在二河勦賊陣亡縣志

朱賓五廬江人咸豐三年遇賊不屈剖腹死縣志

朱必璜董儉持戴作墉王立垓潘廷周均廬江人業儒

咸豐三年團練禦賊陣亡縣志

吳廷香字奉璋號蘭軒廬江人少聰穎植學踐行嘗慨

然有用世之志咸豐元年以優貢生舉孝廉方正未入

都而粵賊陷安慶逆民乘機竊發廷香毀家籌費募練

勇千人會邑令徐竑擒斬其魁亂乃定賊既據安慶分

黨四犯巢縣無爲廬江相繼陷廷香走大營請兵不可得躬募勇千餘人與文生盧堃前邑外委熊允升率之密約內應盡殺守城賊遂復城時四年八月三十日也城旣復賊押至復環攻城廷香用少擊眾屢有斬獲會開化勇五百人至廷香乞貸以給勇糧賊眾益盛自江路進糧盡開化勇有去志廷香留之泣下成血皆感其義仍堅守至二十七日城復陷廷香挺劍巷戰與盧堃熊允升均死之事聞奉

旨准建專祠給世襲雲騎尉子長慶從戎江浙同治元年旋里募勇賊大股忽至卽以其勇却之巡撫英翰以長慶又有全城功復請

續修廬州府志

卷三十七

忠義傳三

四

旨優卹贈廷香四品卿銜以子長慶官贈振威將軍

戴鈞衡文集通志

鍾業釧字振春號瑤圃廬江人監生事母以孝聞嘗割股療母疾咸豐三年賊陷安慶業釧毀家團練保全鄉里四年秋城陷業釧起義練勇攻復邑城擒賊首盡滅其黨賊虜果環攻城復陷業釧與練勇陳自起宋有貴李長貴等巷戰死得

旨優卹入祀昭忠祠陳自起等均附祀

通志采訪冊

盧堃字佩鸞號鯉門廬江人文生幼孤事母以孝聞性耿直言行不苟咸豐四年團練復城督勇固守時出奇兵擊賊久之以糧價援絕復陷堃堵南城巷戰力竭被獲賊支解之焚其屍死狀最慘贈訓導給雲騎尉世職

通志  
采訪冊

鮑雲鵬字扶九廬江人原籍當塗性方剛尚氣節年十六補博士弟子員淹通經史道光十一二年邑屢水災倡捐助賑咸豐三年粵逆陷皖垣縣境濱湖一帶土匪聚眾劫商船雲鵬應邑令徐竑召助繕戰具率練往擊擒斬盜魁餘黨乃散是冬城陷四年雲鵬倡義集團傾產募勇并遣子灼走廬州大營乞兵會勦巡撫福濟密令相機以進遂會同吳廷香等於八月晦攻克邑城生擒逆首任大剛越數口桐城踞賊來犯雲鵬以戰爲守中途邀擊屢獲勝賊復自安慶擁數萬眾趨援前隊抵西鄉五里橋雲鵬卽整軍迎敵或以緩戰阻雲鵬不可續修廬州府志

卷三十七

忠義傳三

五

集敢從士千人銜枚疾走出賊不意擊之賊大潰身先士卒徒步追殺至烟墩伏起舉旗麾進鏖戰移時賊眾四面合圍練勇漸沒於陣雲鵬身被數十創猶振臂奮呼拔短刀刺殺多賊力竭陣亡賊捻知雲鵬倡義復城支解其尸以洩忿情極慘烈事聞得

旨從優照四品官以下例卹祭葬銀百兩建專祠並祀昭忠祠

給雲騎尉世職以子灼官贈中憲大夫

縣志

胡祖謙號雨香廬江人稷之子官工部屯田司員外郎道光間水災倡捐辦賑多所全活咸豐三年粵賊陷安慶祖謙詣當事籌城守倡義團練迨賊入城紳民四散祖謙獨不去遇賊大哭賊將刃之有識祖謙者給賊曰

是病顛耳拽之出得不死明年賊退祖謙約眾至城函請縣令來守城不至遂自駐守賊繼至祖謙不及備脅降不從被箠擊無完膚罵益烈賊械送安慶逼之降祖謙謂世受

國恩束手死有餘恨矣何降為終不屈被拘禁死年六十有二子元釗議敘從九品亦死之得

旨賜卹給雲騎尉世職

通志采訪冊

楊春森廬江人議敘八品咸豐四年城陷罵賊遇害僕朱慶榮救主亦死之

縣志

王明賢廬江人監生咸豐四年率練禦賊煙墩陣亡

縣志

陸國位廬江人六品軍功咸豐四年帶練守城城陷同

續修廬州府志

卷三十七

忠義傳三

六

陸開榜均死之

縣志

畢鳴岐廬江人監生咸豐四年率練禦賊被執刎足死

縣志

吳道珍廬江人咸豐四年負母避難賊至母子不屈俱

遇害

縣志

孫貴宗廬江人咸豐四年賊至守母柩不去遇害

縣志

董在奔趙大可俱廬江人咸豐四年團練勦賊陣亡

縣志

趙得高廬江人咸豐四年守城經管火藥城陷不屈遇

害

縣志

孫廣勲廬江人咸豐四年團練守城城陷闔家殉難

縣志

王運培廬江人咸豐四年城陷罵賊死妾吳氏抱子七

一以殉縣志

何先瑚廬江人工書法咸豐四年賊執令書大旗不從

殺之縣志

張道風廬江人咸豐四年賊竄黃泥河被執逼降罵賊

死縣志

柯昭和柯昭熙廬江人咸豐四年在黃泥河隨練禦賊

陣亡縣志

夏玉才廬江人咸豐四年被執脅降不屈死縣志

盧德鄰盧德懷廬江人咸豐四年隨練在煙墩勦賊陣

亡縣志

袁獻文楊賈香徐泰廬江人咸豐四年均守城戰死縣志

續修廬州府志 卷三十七 忠義傳三

七

劉禮春楊繼清余步鰲龐文斗姚長敬均廬江人咸豐

四年在煙墩勦賊陣亡縣志

鄭克明廬江人咸豐四年城陷賊偵知為練首捕而殺

之子長有奔救亦遇害縣志

孫秉良廬江人咸豐四年賊竄境令曰有不蓄髮者斬

良獨薙髮賊見而詢之厲聲曰甯做斷頭鬼不為蓄髮

人遂遇害縣志

孫冠羣廬江人監生咸豐五年賊脅不屈死縣志

姚繼鐸廬江人庠生咸豐五年賊至端坐罵賊死縣志

曹南山廬江人咸豐五年團練禦賊陣亡縣志

程榮起廬江人咸豐五年隨練擊賊被執不屈死縣志



程甫義廬江人咸豐五年慟父被害擊賊力竭死縣志

黃理玉廬江人咸豐五年賊脅不從遇害屍拋白湖縣志

孫在朗廬江人咸豐五年遇賊不屈剖腹死縣志補遺

高戴廬江人太學生果敢有豪氣咸豐三年粵逆踞境

投劾軍營積功保五品銜六年夏提督和春進勦白石

山賊於竹青山堅築營壘為後路戴與軍功王必壽等

率練攻擊持久不克賊援大至戴陷陣受創力戰死之

王必壽夏福許正發被執罵賊抽腸支解死許長發亦

戰死同時練勇死者三百餘人縣志

高榮求廬江人咸豐六年助守邑城城陷罵賊死子載

芳謀雪父讐事洩亦遇害縣志

續修廬州府志

卷三十七

忠義傳三

陳業煥廬江人文生成咸豐六年帶練守城城陷巷戰死

之縣志

洪正啟廬江人監生成咸豐六年團練助克縣城城復陷

戰死縣志

沈必發廬江人六品軍功咸豐六年率練攻勦竹青山

賊壘臨陣被執支解死縣志

黃福蘭廬江人從九咸豐六年率練攻勦三河賊壘不

克死之縣志

張昌運廬江人從九咸豐六年投劾軍營三河陣亡縣志

張光裕廬江人監生成咸豐六年帶練勦賊陣亡縣志

張邦奠廬江人從九咸豐六年率練禦賊練潰死之縣志

顧昶廬江人監生北圩練首咸豐六年在甯國糧臺差遣城陷殉難縣志

王會圖廬江人文生成咸豐六年賊至憂憤雉經死又文生馬國秀賊至憂憤投水死縣志

錢恒業廬江人咸豐六年帶練攻勦竹青山賊壘臨陣身受三十七刃死又許美順許坤壇同死竹青山役縣志

葉成連廬江人勇目咸豐六年臨陣被執不屈死之焚其屍又徐觀淵同姪長植長椿均死難椿子裕炳得屍

大慟亦投水死縣志

徐運廣廬江人咸豐六年賊隊過境率練邀擊練潰死之又計遠富罵賊賊怒以火槍擊死縣志

續修廬州府志 卷三十七 忠義傳三 九

梅春發廬江人咸豐三年毀家團練保衛鄉里七年賊至初掠里人張明發家春發率練丁救護奮與賊鬪賊攢刺之身被數十創罵不絕口賊穿其喉死明發亦被

害采訪冊

沈鑿廬江人監生成咸豐七年李續賓督帶楚軍自皖桐進攻廬州之三河鑿團練鄉民助戰軍敗鑿亦陷陣死

年四十四歲采訪冊

潘志貴廬江人六品軍功咸豐七年帶練守城城陷同王添成許鍾山戰死縣志

張延寬廬江人七品軍功咸豐七年率練守城城陷被執脅降不屈死又千總歐民先同六品軍功歐鳳先在

六州巡河陣亡

縣志

夏鼎臣廬江人文生咸豐七年城陷闔家殉難又監王

程蔭生罵賊死

縣志

陳玉龍監生夏雨田翁生廬江人均於咸豐七年被執

脅降不屈死之

縣志

盧林廬江人從九咸豐七年率練歷戰舒廬踞賊陣亡

縣志

鍾家泰廬江人咸豐七年賊掠其父乞以身代賊怒殺

之

縣志

許長青廬江人咸豐七年助守無爲州城陷陣亡又蔡

廷義投効桐城大營赴援本邑陣亡

縣志

續修廬州府志

卷三十七

忠義傳三

十

吳道新廬江人咸豐七年自外歸見賊拷其母奮擊賊

力竭死妻與子同死

縣志

李明發廬江人咸豐七年臨陣被執不屈刑足死又徐

成先隨練勦賊中鏢死江起鳳團練勦賊奮勇爭先力

竭死之程增榮同弟增福率練擊賊於城東五里墩俱

陣亡袁盛富隨練禦賊身被重創死之黃聚才賊脅降

不從偕妻鄭氏同死

縣志

何得勝汪用武甯從化廬江人均於咸豐七年殺賊陣

亡又金道高董克寬王可仕談宏川均被執脅降不從

罵賊死孫貴根章宏寬沈茂才汪茂雲汪應太俱被執

罵賊遇害宛啟運夏德明查金好宋其章李自明張春

喜張義樹俱死難縣志

張國士廬江人童生成豐七年負母逃難中途被賊截

殺縣志補遺

李長松廬江人並姪李大才咸豐七年遇賊脅從不屈

死縣志補遺

張大訓廬江人居小姑圩讀書困場屋家居教讀循循

善誘弟子入泮者甚多鄉人感而化之性直而和排難

解紛恤貧憐老道光年間每歲洪水破圩督築圩堤數

次所全者大咸豐二年賊匪入境督辦鄉團防護閭里

五年提督和春飭籌辦柴米夫草得無誤六年隨同克

復三河鎮給六品頂戴八年六月李續賓勦三河以大

續修廬州府志 卷三十七 忠義傳三

十一

訓帶團為向導及軍敗大訓殉難尚未請卹同治十年

覃恩以其子壻署江蘇淮揚海道王翬翎官馳贈資政大夫采訪

冊縣志

汪宗泗廬江人文生成豐八年奉諭團練助勦三河臨

陣被執不屈死給雲騎尉世職通志縣志

顧尚發廬江人儘先千總咸豐八年從征溧水唐口鎮

陣亡把總歐陽承先同弟藍翎千總民光隨營轉戰無

為潛山太湖等處有功勦賊俱陣亡文生張泗澤從練

勦賊陣亡縣志

熊志成廬江人監生成豐八年賊逼充偽職不從自刃

其腹死武生張映房賊至因親老不忍去被執不屈死

監生王佐才罵賊死夏甲彪被執脅降不從死趙應厚賊脅其母奮擊賊力竭死母亦殉節縣志

趙孟賢廬江人咸豐八年同叔孔義孔德弟孟林孟康

孟哲被執不屈同時殉難縣志

鄭俊美廬江人咸豐八年以官兵攻三河同子廣桂儘

飯餉兵賊猝至俱遇害縣志

趙孔瑞字修庵廬江人咸豐八年賊脅降不從被殺縣志

補遺

束步林廬江人咸豐八年從練攻勦三河被執剖腹慘

死縣志

計蕙林廬江人議敘八品咸豐九年隨營勦賊陣亡又

續修廬州府志

卷三十七

忠義傳三

三

藍翎把總楊玉元隨征陣亡五品軍功高仰止同鮑國

香遇賊被執脅降不屈俱遇害縣志

徐登榜廬江人監生成咸豐九年賊脅充偽職情迫罵賊

投水死五品銜譚傳讚從營陣亡鄉飲介賓張千壽性

耿直罵賊死鍾廷璧聞官兵至集團為鄉導謀洩同子

成美俱遇害盧升林賊脅不從以被絮裹縛樹上焚死

劉條舉被執不屈梏掠死縣志

褚銀山鍾崇發廬江人咸豐九年團練勦賊又王世餘

李鳳鳴陸長有從練助勦俱陣亡縣志

時自純洪克行王錫傳廬江人咸豐九年賊至俱不屈

遇害縣志

畢振長畢才俱畢才有畢自發畢才松畢才富畢才義  
畢才祿畢從周俱廬江人咸豐九年賊至脅降不從同  
日死難縣志

胡仁壽廬江人從九品咸豐十年在江蘇殉難

賜卹銀一百兩縣志

胡彭齡廬江人候選鹽知事咸豐十年在江蘇殉難奉

旨贈布政司都事銜廕一子入監讀書通志縣志

胡柏齡廬江人候選從九品咸豐十年在江蘇殉難奉

旨贈鹽運司知事銜廕一子入監讀書通志縣志

胡仁爵廬江人議敘從九品咸豐十年在江蘇殉難奉

旨贈鹽運司知事銜廕一子入監讀書通志縣志

續修廬州府志

卷三十七

忠義傳二

三

李鳳標廬江人花翎都司咸豐十年攻勦常州高橋陣

亡又五品花翎余其良禦賊被害余其業同死之縣志

柏生采廬江人六品銜割股療母疾在百花寨團練禦

捻咸豐十年寨破力戰死監生江燭督練勦賊陣亡監

生邢慕堂遇賊不屈死監生盧聲賊至脅降不從罵賊

死朱仁和被執不屈縛置樹上洋槍擊死縣志

金洛書廬江人咸豐十年率練執旗追賊賊詐敗回擊

陣亡夏宇華傅植厚在南鄉秀山口從練勦捻陣亡王

家繼同子本立與甲禦賊俱死之吳良靖吳良秘吳良

材董康久俱團練陣亡縣志

王純臣字思賢廬江人監生性鯁直好騎射以武畧聞

於鄉咸豐三年邑城失守賊剽掠四出純臣募勇設關  
浚濠築堡聯西北圩寨爲犄角且耕且守賊無敢犯其  
鄉十一年八月官兵收安慶純臣窺賊無固志與兄占  
魁具糧糗選子弟之壯健者率以襲賊尾賊至三河遂  
圍之三河城小而堅賊死守不能下持久之賊酋陳玉  
城以眾數萬至圍純臣內賊復出土卒無所得食純臣  
激以大義親冒矢石眾皆奮卒以力竭死其從兄武生  
點暨弟泰來姪孫錫齡五品軍功徐立功等均戰歿奉  
旨各給卹銀一百兩光緒九年祀昭忠祠並准建專祠給雲騎

尉世職點亦得贈外委

通志  
縣志

夏忠弼廬江人六品軍功咸豐十一年與李善道黃秉

續修廬州府志

卷三十七

忠義傳三

古

誠黃蹈義李蔭濃蔡祥袵鮑靜安鮑琴山鮑維城鮑奇  
林鮑桂和鮑彩雲鮑謙益鮑心田鮑善述王新益胡福  
元均團練勦賊陣亡 旌卹祠坊各給卹銀十二兩五

錢

縣志

潘璞號曉菴廬江人廩膳生性謙謹尙氣節咸豐初粵  
逆踞安慶官兵進勦三河三河璞故里也因慷慨從戎  
爲當道籌進取之策團勇勦賊以功保授訓導咸豐十  
一年賊大股由九洑洲西犯璞所部練勇俱潰獨遇賊  
於邑城之東度不得脫肆口大罵身被二十餘創僕陸  
承恩捍護被殺璞傷重未絕賊退鄉人舁歸不能言索  
筆書絕命詩而歿初廬邑大饑道殣相望不逞之徒所

在剽劫璞犯風雪觸鋒刃丐升斗以活飢餓者鄉里德焉子鼎新勦平粵捻所向有功曾國藩奏摺有云子能仕而教之忠足見貽謀之善父雖歿而祭於社應推錫類之仁洵紀實也同治元年卹給雲騎尉世職五年奉

旨建立專祠陸承恩並附祀

通志采訪冊

王大元廬江人六品軍功外委咸豐十一年團練勦賊在三河陣亡給雲騎尉世職

縣志

孫照葵廬江人候選從九咸豐十一年勦賊陣亡卹贈縣主簿銜廕一子監生

縣志

徐心田廬江人補用把總咸豐十一年從征湖廣陣亡

卹給雲騎尉世職

縣志

續修廬州府志

卷三十七

忠義傳三

五

夏允材廬江人監生成豐十一年捐資募勇禦捻眾寡不敵力竭陣亡給卹銀五十兩

通志縣志

朱芬廬江人監生成豐十一年捻至全家赴水死 旌

卹祠坊

縣志

章圻廬江人貢生性耿直咸豐十一年捻匪脅降不屈乘閒赴水死張金鑿聞捻至急歸省父母中途遇害僱工卜二同死文生吳禮敬賊執罵不絕口割舌死監生李弈嵐賊執脅降不屈死之文生王蕙蘭賊執脅司書記不從死之均 旌卹祠坊

縣志

夏大任廬江人六品軍功咸豐十一年率練勦賊力竭

陣亡

旌入總祠

縣志



方休廬江人咸豐十一年賊至不屈殉難祀省城忠義

祠縣志

夏含章廬江人練首於咸豐十一年帶勇勦賊力竭死

之 旌入總坊

縣志

何忠貞廬江人文生成豐十一年率練勦賊被執脅降

不屈死 旌卹祠坊

縣志

汪注之廬江人監生成豐十一年在小馬槽從練擊捻

眾潰被執逼降不從死之祀省城忠義祠

縣志

杜宏勳廬江治馬廐巷人太學生素行孝友咸豐十一

年奉母挈弟避亂母歿省墓故八月遇賊於東鄉脅之

不肯離母墓遂殉難光緒八年從祀本邑昭忠祠以胞

續修廬州府志

卷三十七

忠義傳三

十六

弟春林官贈振威將軍

采訪冊

章邦彥號樵雲廬江人以拔貢

朝考一等官浙江麗水縣知縣初署新昌值修城以費絀

輟工乃捐廉六百爲倡城以完備既補麗水新昌士民

攀轅祖餞製詩頌德麗水地瘠民貧邦彥撫字之民得

樂業正賦以完治獄尤慎嚴治吏胥舞文弊爲一清隣

邑巨滑某爲鄉曲害邦彥白上官治其罪遠近咸悅值

旱澇設賑躬自察巡防慮極周務使實惠及民其去麗

水而再任也民獻還我使君額有呈詩云得意聽他田

父述歡聲還我使君呼甌中莫笑塵生苦正是山城長

綠蕪嗣以病乞休士民號於郡守請留任旋奉諱歸復

授學於外所教士及諸子姪皆有行誼常集前代名言  
爲家範世範守令範三篇咸豐三年寇亂居於北鄉石  
貓山時勸鄉人團練防勦十一年賊入山脅降不從以  
罵賊死年七十二采訪冊

俞占魁廬江人字化成太學生好讀書不求聞達風裁  
峻整言笑不苟居宅後臨文明河嘉慶二十五年知縣  
董梁築文昌壩引水西流以泮池西河道狹隘延商占  
魁議以重值購其後宅以泮水路占魁毅然曰以吾數  
弓地培一邑風水幸莫甚焉奚議值乃拆臨河舍五間  
并捐貲修泮水得暢流道光二十八年歲大祲餓殍  
塞道常以錢米夜遺窮乏不使人知咸豐十一年夏遇

續修廬州府志

卷三十七

忠義傳三

七

賊於塘缺河脅之降占魁大罵曰吾不能殺賊報

國抱憾已深豈降賊耶賊怒刃之疾走河濱投水死

縣志

宛光亮字明德廬江人家貧棄讀就耕間里有急難事

輒奔救咸豐十一年春助關河團練勦賊每臨敵爲練

丁倡擒斬最多三月甲辰擊賊於菩蟲窪眾寡不敵練

卒潰光亮殿被執賊愛其驍勇脅降不從繫梅樹巔有

頃詢之仍不屈置兩足於石臼舂之神色自若罵不絕

口乃梟首取心瀝血祭亡賊同死者數十人

縣志

陳業滋廬江人知州銜江蘇候補縣丞咸豐十一年帶

勇攻三河陣亡陳奎生同死

縣志

鍾家肥廬江人藍翎從九咸豐十一年團練勦賊陣亡

議敘九品黃孔懷在甄橋率練禦捨陣亡文生郭良幹帶練勦賊殉難藍翎千總馬必榮隨征勦賊陣亡藍翎千總張立功率練攻三河賊壘陣亡陳祖基同死之文生周啟銓帶練禦賊練潰被執罵賊死金朝瑞從練擊賊被執凌遲死

縣志

夏執坤廬江人咸豐十一年帶練勦賊陣亡夏其讓夏會嘉蔡世鼇俱死之又文生凌恩廣築堡拒賊捍衛鄉里賊攻破一家六人同死武生王金邦賊入村挺身擊之賊砍斷左腰至死罵不絕口

縣志

邢坤廬江人監生成豐十一年與議敘九品邢珍邢珮團練勦賊練潰俱陣亡又武生孫家鑾孫廣武孫廣森

續修廬州府志

卷三十七

忠義傳三

六

俱擊賊同死文生高建瓴團練殺賊練潰被執不屈死文生陳必達與許定邦團練拒賊陣亡六品頂戴章安鑄隨征戰死五品軍功高仰山團練勦賊陣亡鄉飲介賓孫述管禦賊死之

縣志

夏良校廬江人文生成豐十一年賊至同文生夏鎔夏自發闔家殉難又文生夏金釗賊至闔家殉難又監生盧國楨罵賊闔家八口殉難

縣志

姚文翰廬江人文生成豐十一年奉母偕妻避亂賊猝至脅降不屈與母妻俱遇害又文生戴龍光偕妻死節

縣志

劉煥廬江人文生成豐十一年罵賊觸怒賊以巨石壓

之復裂死又監生盧文宗賊伐其祖墳蔭樹泣護之遇害又監生朱方仁賊執脅降不屈死縣志

孫兆麟廬江人文生咸豐十一年罵賊遇害又監生計

樹功罵賊觸怒火槍擊死又文生徐冠廷聞省城克蕪

髮遇害縣志

張光寵廬江人監生成豐十一年率家屬禦賊死又文

生馬三錫被賊執脅降不屈枯掠死武生夏鑾標繫賊

不勝死議敘九品鍾家榮罵賊觸怒被殺監生徐鼐被

執脅降不屈遇害監生盧佳霖被執脅降罵賊割舌死

縣志

何叔張監生凌後武監生凌克豐從九徐守振監生廬

續修廬州府志

卷三十七

忠義傳三

九

江人均於咸豐十一年遇賊不屈死縣志

劉金竹廬江人監生成豐十一年罵賊從容殉難又監

生盧文棠賊執不從枯掠死縣志

楊德輿廬江人增生咸豐十一年負母避難遇賊母子

俱死之縣志

鍾琨廬江人監生成豐十一年賊執不降遇害又文生

王薰蘭謀討賊事洩死之文生丁應庚罵賊殉節監生

陳粹中遇賊不屈死廩生汪恭灼賊執脅降不從死縣志

徐運濟廬江人文生成豐十一年被執脅降不屈罵賊

死又歲貢生崔雲梯從九萬恆貴均被執不屈死縣志

張維綱沈先志均廬江人監生成豐十一年賊至大罵

誓死不從遂殉難縣志

潘鑾標廬江人花翎五品銜咸豐十一年隨營攻無為

州陣亡縣志

戴春華廬江人八品軍功咸豐十一年帶練拒捻被執

死之縣志

朱實穎廬江人監生成豐十一年同佾生王世輔馬啟

敖在羅家埠勦賊陣亡縣志

陳業純廬江人監生成豐十一年從練擊賊臨陣被執

不屈死又把總鍾家佑隨營勦賊力戰死之縣志

程超文生黃懷珊監生均廬江人咸豐十一年被執脅

降不屈遇害縣志

續修廬州府志

卷三十七

忠義傳三

辛

徐家茂廬江人從九品咸豐十一年被捻執脅降不屈

死徐道容同日殉難又監生張瑞英罵賊遇害議敘九

品吳紱來賊執不屈死縣志

鍾家杞議敘八品吳松監生均廬江人咸豐十一年遇

賊不屈殉難縣志

張祖培廬江人六品軍功咸豐十一年從練擊捻陣亡

又九品銜陳克寬率練禦捻死縣志

趙春華廬江人八品頂戴咸豐十一年團練殺賊被執

死之縣志

張禹門廬江人文生成豐十一年被執脅充掌書記不

從死之縣志

吳半江陳富文張誥許慎治均廬江人監生成豐十一年罵賊殉難縣志

祝霖廬江人監生成豐十一年被執降脅以刃投賊觸怒殺之又文生姚繼會遇賊不屈死監生鄭九思賊至

殉難縣志

江長春劉自新祝光添均廬江人監生成豐十一年被執不屈死縣志

許文元廬江人六品軍功咸豐十一年團練殺賊被執脅降不屈死又八品軍功楊椿榮督率鄉團禦賊力戰死之文生吳雲衢賊執脅降不屈死八品軍功葛永春率練勦賊陣亡監生項嵐罵賊桎梏死從九孫一疇遇

續修廬州府志

卷三十七

忠義傳三

三

賊不屈殉難縣志

程蔭三廬江人六品軍功咸豐十一年率練勦賊陣亡

縣志

許文欽廬江人監生成豐十一年同弟文思團練禦賊

傷亡縣志

汪修倫廬江人監生成豐十一年賊至不屈殉難又有

從九吳世太捻至脅降不從殉難縣志

張桂馨廬江人監生成豐十一年罵賊觸怒桎梏死縣志

熊殿卿廬江人監生成豐十一年衣冠端坐罵賊死縣志

潘巨萬六品軍功潘鵬飛六品軍功潘永祥把總均廬

江人咸豐十一年隨營勦賊陣亡縣志

王必達八品軍功鮑焯文生廬江人咸豐十一年均督  
練禦賊死縣志

鮑懋高吉士廬江人監生成豐十一年賊執脅降不屈  
死縣志

徐運洪廬江人監生成豐十一年帶練禦捻被執不屈  
死縣志

徐兆宏廬江人文生成豐十一年捻至以硯擊之遂遇  
害縣志

徐梓廬江人文生成豐十一年捻執脅書大旗不從死  
之縣志

刑紹密徐禹疇廬江人均監生成豐十一年捻執脅降  
續修廬州府志 卷三十七 忠義傳三 三

不屈死縣志

徐煌文生吳元旦議敘九品廬江人咸豐十一年被執  
罵賊死縣志

鍾家元把總洪得玉千總廬江人咸豐十一年均隨營  
擊賊力竭死縣志

蔡武期廬江人六品軍功咸豐十一年團練勦捻死之  
又外委徐明友隨營差遣遇賊殉難縣志

李榮寬廬江人補潛山縣城守未到任咸豐十一年賊  
至在籍團練捍衛鄉里後練潰陣亡又監生許習詩捐

貲團練擊賊死之縣志

曹德豐廬江人監生成豐十一年賊執脅降不從大罵

遇害縣志

夏學嶽廬江人咸豐十一年被執脅降不屈死又監生

徐斌遇賊不屈殉難縣志

王根榮廬江人咸豐十一年賊執欲屈之厲聲唾罵死

縣志

許恩闕廬江人咸豐十一年隨練勦賊於芮家岡死之

許從箴同死又汪迎舟從練勦捻陣亡縣志

孔繁榮孔繁臺廬江人咸豐十一年賊毀其家廟泣涕

手護賊怒并殺之復火其屍縣志

孔慶興廬江人咸豐十一年城陷巷戰死縣志

李文鐸廬江人咸豐十一年遇賊被執脅降不從子定

續修廬州府志 卷三十七 忠義傳三 三

邦聞信奔視號泣求以身代賊怒父子同死又張順成

父被賊擄救父遇害縣志

李春華廬江人業儒咸豐十一年負孀母張氏避亂遇

賊被執春華痛哭不忍去賊怒母子俱遇害同時有郭

雲衢負母避難遇賊不屈死江家錕賊至負母逃追執

縛樹上刳之至死不屈王立度昂百應李延普均負母

逃難賊追及力敵死之張大展賊劫其母奮力擊賊母

子俱死縣志

張孟龍廬江人咸豐十一年賊至剖其父棺泣護遇害

又張克壯守父柩不去被殺縣志

洪金友廬江人母病侍側賊脅不去死同時有金振春



賊至合家奔散獨以母病不忍逃避遇害又張錫極救  
母遇害縣志

丁守玉廬江人咸豐十一年見賊刃其祖以身翼之祖  
孫俱被害又張在山被擄子荒保泣相隨賊怒俱殺之  
昂百龍賊擄其父號救觸怒遂遇害郭雲明因母死難  
憤擊賊力竭死劉春來守視義父維新疾不去遇害縣志

夏鳳章廬江人文生咸豐十一年聞兄遇害夜歸收兄  
屍被執脅降罵賊割舌死縣志

夏德宏廬江人咸豐十一年殺賊陣亡縣志

萬雲深廬江人咸豐十一年賊掠婦女令雲看守雲悉  
揮之去賊怒剖腹死縣志

續修廬州府志

卷三十七

忠義傳三

三

洪殿舉廬江人咸豐十一年罵賊支解死又有姜榮義  
罵賊剖腹死縣志

芮近仁廬江人咸豐十一年奮擊捻匪睚眦盡裂捻卻  
退復哨大股執殺之又有張照起同弟邦德禦賊俱遇

害縣志

孫貴庚廬江人咸豐十一年見賊脅鄰婦與之鬪力竭  
死縣志

徐倉聚廬江人咸豐十一年同子景茂禦賊俱遇害縣志  
張詩院廬江人膂力過人常集團殺賊咸豐十一年賊

眾猝至攢殺之縣志

金亶扶廬江人業儒咸豐十一年集四書作討賊文稿

洩遇害

縣志

陳慶庚陳慶安廬江人咸豐十一年團練禦賊捐軀又

盧全美被擒執脅降不屈縛置樹上焚死

縣志

劉宜高廬江人咸豐十一年賊掠其兄宜山高泣挽不

放賊怒俱殺之

縣志

芮大力廬江人咸豐十一年從練勦擒被執支解死

縣志

黃自起廬江人咸豐十一年從練禦賊於銅關橋陣亡

縣志

胡發家廬江人咸豐十一年見賊戕其母尹氏發家以

身覆母賊並殺之

縣志

黃萬美廬江人咸豐十一年齎送軍營密文赴省中途

續修廬州府志

卷三十七

忠義傳三

三

被賊搜獲遇害

縣志

宛學有廬江人咸豐十一年在缺口團練先後殲溺賊

擒數百名臨陣中火槍死

縣志

宛懋先廬江人咸豐十一年從練勦賊每戰必前驅擒

斬無算旋陣亡同時有李世榮者亦從練勦賊被執不

屈死許遵路從練被擒支解死朱玉玖朱玉連從練勦

賊練潰死之喬濟川同姪業盛從練陣亡

縣志

李延常廬江人性至孝廬父母墓各三年咸豐十一年

隨練勦賊遇害又沈德厚率練擊賊於白湖濱力竭死

縣志

高德鄰廬江人咸豐十一年賊執令剖人心烹食不從

遇害又沈濟猛賊執令放火焚屋不從遇害縣志

許明哲廬江人咸豐十一年見賊掠鄰人孤子乘閒揮

之去賊覺怒殺之又歐義友許學福見賊肆虐憤擊之

力竭同死縣志

孫雲岫廬江人咸豐十一年賊至雲岫間途聞婦女號

救聲憤往擊賊被執割舌死又王宗海見捻劫其妹極

力救護兄妹俱遇害朱本貴見賊掠鄰女鬪賊揮女逃

賊怒哨眾執殺之縣志

朱松茂陳志仁廬江人性皆孝友咸豐十一年禦賊奮

勇當先並遇害又同邑李源清驍勇尙義氣率練勦捻

在黃山口陣亡盛其尙談超凡均率練勦賊陣亡何有

續修廬州府志 卷三十七 忠義傳三 三

倉何尊榮隨營守嘉興城陷陣亡許昌隆許仁山隨營

攻賊陣亡縣志

李本極廬江人咸豐十一年賊至肆淫擄本極憤擊之

不勝死同邑徐廣發捻執脅降不屈宮之尋死陳長然

捻執脅降不屈凌遲死王必苞罵賊身受七刃死張蘭

英賊執不降炮烙死縣志

陳如章廬江人咸豐十一年捻執不屈以被絮裹縛樹

上焚死又袁振崑喻志才均罵賊被裹絮焚死夏良才

捻執不屈以火藥焚死縣志

夏瓊英廬江人咸豐十一年賊至其家唾罵不稍屈被

殺縣志

錢應享廬江人咸豐十一年隨營勦賊中礮亡同時有李文盛隨營勦賊每臨敵必先驅陣亡縣志

向映華廬江人咸豐十一年賊執命作鄉導往攻桐城弗就道賊怒殺之縣志

張永和廬佳蔡廬佳杉廬錫齡喬業林喬業澄廬江人均於咸豐十一年三河勦賊陣亡縣志

寶國羽陳春華廬江人咸豐十一年捻執逼降厲聲大罵俱不屈死又許永福賊逼不降乘閒投水死甯從來許能發均被執脅降不屈身被重創死縣志

金承矩廬江人性至孝咸豐十一年賊至先負母去俄聞賊掠其父奔泣謂賊曰吾父老且病乞以身代賊領

續修廬州府志

卷三十七

忠義傳三

七

之越日思親欲逃歸賊覺遂遇害縣志

高慶門廬江人咸豐十一年團練勦賊屢有斬獲卒以眾寡不敵死之王瀛洲王德士陳蘭亭徐大能高銀聚

高德攸同戰死縣志

徐家驕廬江人咸豐十一年捻執脅降不屈械斷十指罵仍不絕遂遇害子聲鼐慟父死泣且罵捻怒亦殺之

縣志

蘇文元陳連上陳觀桂俞有和蘇茂三馬鴻山蘇鼎臣吳章祥廬江人俱咸豐十一年團練勦賊死縣志

劉業祺廬江人嘗以無力殺賊為憾咸豐十一年同友人俱被執慟哭大罵賊怒殺之縣志

胡獻舟廬江人咸豐十一年賊至將燬其祠中木主力拒之桎梏死同時有陳詩祥因父母遇害奮擊賊賊爲之披靡力竭死縣志

楊春林廬江人倡義集團戰賊於齊王廟陣亡又計樹穀許慎儀均於咸豐十一年被賊脅降不屈死縣志

李嘉能廬江人咸豐十一年集團殺眾寡不敵死之又劉雲開劉自有劉元旦團練禦捻陣亡蔡松年團練勦捻死之蔡連餘王良獻均團練勦捻臨陣力竭不屈死

縣志

危貴榮廬江人驍勇常擊賊咸豐十一年被賊眾兜擒之逼降不從寸磔死又鍾咸甯鍾家麓鍾維勤鍾家瑞

續修廬州府志

卷三十七

忠義傳三

三

鍾家璋胡平之均遇賊被執不屈死縣志

洪正奎廬江人監生成咸豐十一年同子六品軍功言仁罵賊殉難又吳道明業儒同弟道昌罵賊殉難又吳道

新吳道平吳守榮均罵賊殉難縣志

盧佳朝盧佳濟廬江人咸豐十一年被執不屈俱遇害同時有徐兆福者亦被執脅降不從死縣志

張望川廬江人監生成咸豐十一年年九十四罵賊一忿而死縣志

王桂林廬江人咸豐十一年從練防堵金牛鎮練潰陣

亡縣志

馬懷魁廬江人咸豐十一年持械拒捻力竭死縣志

馬步蟾廬江人咸豐十一年以刃刺賊賊哨眾執殺之

縣志馬松林胡曉觀廬江人均於咸豐十一年被賊追投水

死

縣志

朱武祥朱自有項守材魏世永廬江人咸豐十一年隨

練勦擒俱陣亡

縣志

楊有才楊光燦許景會廬江人均於咸豐十一年禦擒

被執不屈死

縣志

盧美業張榮啟張裕宏何綱保張光烈張光祺張光豔

張光順張光覆廬江人均於咸豐十一年從練殺賊陣

亡

縣志

續修廬州府志

卷三十七

忠義傳二

三

胡有志鞏太鞏陞吳斯萍吳三機吳三槐呂鳳能孫玉

著李應春李長柏廬江人均於咸豐十一年隨練攻賊

被創死

縣志

夏金滿廬江人與夏春發夏曉夏忠謙張樹平張其太

張允寬張大寬張業偉張長青均於咸豐十一年遇賊

不屈死曹明才曹明分陳先厚金道喜葛訓春史運田

俱遇擒不屈死

縣志

葉有泰葉長青葉學易蔡麟書任松柏蔡長茂廬江人

均於咸豐十一年從練遇賊死

縣志

周啟銓廬江人咸豐十一年遇賊脅降不從罵賊被殺

同時有葉孔傳團練殉難

縣志補遺

俞正先俞正邦俞正鼇俞行和廬江人均咸豐十一年  
團練陣亡縣志補遺

張定謀陳迎祥陳克莊陳昌業黃宗起郭試長胡明復

夏雨田夏耀璧徐錦榮均廬江人咸豐十一年遇賊不

屈死縣志補遺

蔡雨其廬江人咸豐十一年遇賊被殺妻女均投河死

縣志補遺

夏良能廬江人咸豐十一年捻匪入境被執脅降不從

死縣志補遺

鄧正起廬江人咸豐辛酉倡練在銅關橋接仗戰死其

子德新以父陷陣持械往救亦遇害前已載名今補註

續修廬州府志 卷三十七 忠義傳三 三

縣志補遺

郭兆銘廬江人從九品妻盧氏弟妻呂氏子攀輪攀桂

光杞光林光第姪光栢光廉孫和保保彬保福保榮保

留孫女二暨攀輪妻左氏攀桂妻李氏光杞妻葉氏光

柏妻莫氏同居黃坡湖東咸豐季年賊眾東掠盧氏謂

諸婦曰我先人清白傳家必死節無為賊辱俱竦息聽

命有頃賊至諸子姪環泣銘急麾之去曰吾死矣汝輩

當圖存宗祀四子光林泣曰兒輩讀書識字死當為厲

鬼殺賊何忍去父母求活遂合家投湖同死者二十二

人惟世太世和以他往得免賊去後屍聯聚無一散者

鄉人異之上其事贈兆銘鹽運司知事銜光林布政司

都司銜各廕一子主簿

通志采訪冊

計如霖廬江人文童咸豐間闖門殉難死事最烈同治

七年以吏部侍郎胡肇智奏得

旌奏案

劉三廬江人有膂力咸豐間賊至常殺賊一日賊虜至

率鄉人禦賊與其弟劉四舉刃大呼直衝賊隊賊為之

卻後以追賊被礮傷猶執長矛遂賊血盡乃死鄉人范

其祥奔救亦死之

采訪冊

俞文慧號骨仙廬江人文生工詩善畫咸豐間粵賊陷

城文慧與邑人集團謀恢復事未就嘗慷慨悲吟以抒

忠憤有獻其討賊檄平匪策諸藁於賊者賊將捕之不

食數日死

采訪冊一作被梏掠死

續修廬州府志

卷三十七

忠義傳三

三

夏金標廬江人字錦堂少習騎射驍勇善戰咸豐七年

投効撫標積功至千總同治元年隨淮軍東下帶鼎字

前營頗戰有功保游擊尋克平湖嘉郡悍逆十餘萬屯

新豐金標以千人扼之布置周密賊不敢犯又從克嘉

興湖州等郡皆首先登城晟舍之役賊眾負隅重濠自

固金標激厲士卒築營夾濠而陣卒破堅壘論功最由

副將擢記名總兵加提督銜其勦賊於豐縣也力搏狂

寇身中矛傷連日裹創血戰傷發死兩江總督曾國藩

以金標治軍嚴整屢立戰功疏請照提督陣亡例從優

議卹

贈太子少保銜



賜祭葬給騎都尉兼一雲騎尉世職

子諭剛烈史館立傳並建專祠通志縣志

何家齊廬江人貢生同治元年督練禦賊死之監生蘇

紹宗團練禦賊死吳以鰲從練勦賊身被重創死縣志

張堯階廬江人同治元年從慶軍守城挺身戰賊陣亡

又丁學敏偕眾擊賊敗潰獨力殺數賊死之縣志

吳守鈇字季章廬江人貴州桐梓縣知縣同治二年調

署安南縣事值回匪犯境守鈇竭力守城三載糧盡援

絕城陷被執罵賊殉難奉

旨追贈知府銜給雲騎尉世職崇祀京師昭忠祠貴州慰忠祠

本邑昭忠祠縣志

續修廬州府志 卷三十七 忠義傳三

三

吳醴泉字義民廬江人天資穎敏咸豐壬子科副貢同

治二年隨叔守鈇貴州安南縣任帶勇勦賊援絕陣亡

奉

旨給雲騎尉世職崇祀京師昭忠祠貴州慰忠祠本邑昭忠祠

縣志

鄧近信廬江人運同銜候選直隸州知州同治二年在

江蘇軍營殉節奉

旨贈太僕寺卿銜賜祭葬給雲騎尉世職縣志

張鳳翔廬江人藍翎千總同治二年在江蘇勦賊陣亡

縣志

張福海廬江人武弁同治二年從先鋒營在戴家橋陣

亡縣志

金道林廬江人軍功隨開字營勦賊屢立戰功同治二年陣亡縣志

張華邦廬江人同治二年與賊遇手刃數賊而死縣志

何緒晃廬江人同治二年見賊淫擄憤殺數賊力竭死

縣志

袁增先廬江人同治二年賊至欲犯其姪媳張氏增先

憤與賊鬪身被重創死張氏亦死節縣志

宛藝才廬江人同治二年被執罵賊縛置樹上洋槍擊

死縣志

宛學宗廬江人同治二年帶練於賊於沈家山戰死縣志

續修廬州府志

卷三十七

忠義傳三

三

張滿倉廬江人同治二年團練屢殺賊練潰手刃數賊

死縣志

張庭蘭張國杏張國梅張勝逢張勝英廬江人均於同

治二年從練勦賊力竭死縣志

褚泰祥廬江人僑寓無為課童為業同治二年賊入境

大罵不絕口賊怒殺之妻王氏亦死之縣志

陳長富徐能奎徐運開徐運珊均廬江人同治二年賊

脅不屈罵賊俱死縣志

張家振廬江人同治二年刺賊被執寸磔死同時有徐

應山者拒賊被執刎足死縣志

徐富貴廬江人同治二年隨練勦賊身受重創死縣志

張永和廬江人同治二年隨營運餉遇賊不屈死縣志  
高如昆廬江人同治二年賊至如昆同子拒賊俱遇害  
陳長流金滿倉亦以拒賊眾寡不敵俱死之縣志  
項自強廬江人幼有膽識咸豐中投効廣西軍營以驍  
勇善戰積功擢至花翎都司同治三年逆酋石達開回  
竄廣西悍黨分踞要隘統兵官欲降其眾遣自強往說  
之賊不從遂遇害奉

旨旌卹如例入祀廣西昭忠祠縣志

李正才廬江人六品軍功同治三年隨征嘉興陣亡縣志  
潘邦升廬江人補用都司同治三年帶勇攻克嘉興府  
城陣亡奉

續修廬州府志 卷三十七 忠義傳三

三

旨贈游擊銜給雲騎尉世職崇祀江蘇惠泉山昭忠祠通志

王際桂廬江人軍功同治三年在浙江餘杭縣勦賊陣

亡縣志

張應魁字垣生廬江人咸豐七年投効湘軍轉戰各省  
所向克捷積功歷保兩江副將同治四年攻浙江嘉興  
府城先破城外賊營數座身受重傷裹創先登城遂克  
右脅被槍子洞穿傷潰卒事聞得

旨照提督總兵例議卹給銀二百兩廕一子入監縣志

顧爲發廬江人儘先千總同治四年從征嘉興陣亡縣志

顧明義廬江人游擊銜都司同治五年從征湖北獨山

陣亡縣志

胡衡章廬江人湖北補用副將同治六年在安陸府尹  
潞河陣亡奉

旨贈總兵銜卹銀七百兩給雲騎尉世職縣志

吳瓊廬江人兵馬司副指揮同治六年殉難給雲騎尉

世職縣志

吳守珮廬江人刑部司獄同治六年殉難奉

旨贈鹽運司知事銜卹銀一百兩廢一子入監讀書縣志

張思恭廬江人花翎守備同治六年從征黃梅陣亡縣志

陳得勝廬江人花翎都司同治六年隨慶軍在山東勤

賊陣亡縣志

收治高號涓川廬江人由行伍隨福建提督楊岳斌兩

續修廬州府志 卷三十七 忠義傳二

三

江總督曾國藩轉戰有功同治四年隨江蘇巡撫李鴻

章克復江蘇等處積功洊保守備加都司銜六年在湖

北天門縣尹潞河力戰陣亡得

旨贈叅將銜給雲騎尉世職通志 縣志

鍾家第鍾家梓廬江人同胞兄弟同治元年帶勇隨提

督楊鼎昌赴上海克復嘉定蘇州常州江陰無錫金匱

宜興荆溪及浙江之湖州平湖乍浦海鹽等城無不奮

勇先登六年從勦任賴大股捻匪事平家第保至花翎

副將銜叅將二品封典家梓保至藍翎都司七年追勦

捻逆張總愚在直隸東光縣血戰同時陣亡奉

旨從優議卹家第贈總兵銜給卹銀七百兩家梓贈遊擊銜給

卹銀四百兩並給騎都尉雲騎尉世職

通志縣志

梁應宏廬江人花翎守備同治十年隨營勦賊力竭陣

亡 旌卹如例

縣志

韋林雲廬江人補用參將同治十三年隨征陝西勦捻

陣亡已請 旌卹如例

縣志

劉鳳翔廬江人記名提督與同邑總兵銜副將錢鳳麟

副將銜參將吳長啟副將銜張應球潘鼎臣守備李柏

林梁應鵠千總潘邦志胡士榮把總潘國宏潘正倫潘

國與曹大發吳華外委方啟倫張克明張道盈管世德

徐朋有等皆於同治年間殉節 旌卹如例

縣志

潘春臺廬江人咸豐八年隨總兵孫善成帶舢板團防

續修廬州府志 卷三十七 忠義傳三

三

無為州土橋地方屢立戰功保外委同治元年淮軍總

統李鴻章委帶江蘇撫標水師哨官於攻克青浦太倉

各府縣城皆奮勇衝鋒擒斬賊目以功擢花翎記名總

兵光緒二年護解餉銀過九江失足落水淹斃奏請照

因公覆歿例議卹贈提督銜

賜祭葬廕一子以都司用

宋訪冊

張從善張金雨張儀傳張習傳張顯長張顯奇俱廬江

人團練禦賊死

縣志

洪德貴廬江人從練勦賊練潰被執剖腹死又羊成義

羊有才見賊肆淫擄擊賊力不勝俱死之

縣志

黃寅廬江人被擄懷利刃刺賊賊覺而殺之

縣志

徐世盛徐世茂徐世田徐有能徐觀年廬江人均禦捻  
死難縣志

賈韞之廬江人家藏書爲賊所毀罵賊觸怒遇害縣志補遺

凌漢廬江人增生避亂馬鞍山藏書甚富偶曝於庭爲

賊所污漢怒罵賊賊殺之采訪冊

趙季昌廬江人軍功隨營攻金山衛陣亡縣志

徐世俊廬江人候選府經被執脅降不屈乘間赴水死

又監生王世義遇賊逼降不屈死監生王肇敏賊至殉

難六品軍功江澍被執罵賊遇害縣志

鍾邦任字任遠舒城人歷官貴州大定府知府被議鐫

級補四川同知署龍安府知府

續修廬州府志 卷三十七 忠義傳三

三

大兵征金川邦任奉委赴八角礮辦理夫馬糧餉賊圍之

急邦任死守不去遂遇害壻許國僕程貴潘升胡岐俱

從死事聞

賜祭葬贈兵備道入祀昭忠祠廕其子德溥知縣世襲雲騎尉

通志

程枚字吉人舒城人以舉人任貴州修文知縣時仁懷

奸民構亂官軍進勦置行臺二驛八於修文修文地僻

小不能辦責鄉民供設枚慨然曰軍興以衛民也審是

益病民乃自發使四出告貸理供帳畫一輿宵一騎寒

冬馳風雪中三閱月髮爲之白修文百餘年徭役自是

革除邑人勒石紀其事嘗語人曰枚居官無他長惟記

一勤字又曰枚二十年來不喜秉燭治獄苟盡一日之力何患不理不獨兩造睨望至夜分力憊卽問官聽覩亦迴異旦晝吏得因緣爲奸聽斷鮮不謬者枚在官每漏盡數起省囹圄吏卒無敢迫囚詐金錢用此治縣七州一所至有聲大吏諗其能檄署鎮遠鎮遠素稱難治枚爲之期月四境肅然署上考授都江通判尋引疾歸避寇於甯國縣之方村賊至其子耀呼鄉團與賊相持鬪且卻他賊猝從旁道至枚見之大罵賊縱火焚其廬枚及子婦張氏二高氏姪星軫壻高淩咸被焚死耀身被數創亟歸省父見火烈大慟踊身入僕奔至曳之出手足已灼越五日歿先是枚子婦高氏及孫壻在籍罵賊遇害第六女適樊賊至赴水死前兩江總督曾國藩方開局采訪忠義卽以枚死事入第一案上聞奉

旨褒獎有忠孝節烈萃於一門之語給祭葬入祀京都暨死事

地方本籍府城昭忠祠史館立傳予世襲子耀與婦女

另立有傳

通志  
奏案

程柏舒城人增生性耿介咸豐二年冬賊陷城柏厲聲罵賊賊砍其左額罵益厲身被數刃死編修楊秉璋奏奉

旨飭建專祠妻周氏亦於咸豐八年賊至投繯死

奏案

胡士芬舒城人咸豐二年從訓導金上珍集練攻城不

克死

采訪  
冊

趙曙明趙宗慰舒城人咸豐三年集練堵賊均被殺死  
采訪冊

石垣舒城人咸豐三年賊竄舒垣糾合鄉團攻勦縣城  
守賊遇害兄石城亦死之  
采訪冊

王廷有舒城人咸豐三年集練攻擊小關被賊獲刺其  
喉死  
采訪冊

陳在有舒城人咸豐三年賊陷舒在有集練殺賊不敵  
死之  
采訪冊

丁天桂舒城人咸豐三年賊竄舒被擒誓死不降賊怒  
決其首  
采訪冊

鍾繼昌舒城人州同銜金川死事邦任元孫也咸豐三  
年舒城陷繼昌散財養士集里中少年倡團練為復城

續修廬州府志

卷三十七

忠義傳三

三

計四年與訓導金上珍合謀攻賊賊失利將棄城走會  
援賊虜至天大雨所將皆鄉民不能持久遂被執賊稔  
繼昌能脅之降不顧而罵將行刑賊曰汝但一回顧即  
釋汝繼昌罵益厲賊慘殺之奉

旨建坊立祠給予雲騎尉世職

通志采訪冊

夏繼昌舒城人咸豐四年髮逆將擾舒城繼昌集眾攻  
踞城髮賊不期而會者萬餘人圍攻兩晝夜城垂克會  
賊自六安合肥來援眾潰死之奉

旨旌卹坊祠並給雲騎尉世職

通志

黃翼之舒城人從九與鍾繼昌同攻踞城賊陣亡奉



旨給雲騎尉世職

通志采訪冊

王大虎舒城人好游俠技擊之士皆歸之城陷時與鍾

繼昌同結客圖復城及與繼昌攻踞城賊亦被執死之

已請

旌卹祠坊

通志采訪冊

陶宏舒城人隨黃翼之擊賊於小關眾潰賊執之置油

鑊於側鬻肉烹之至死罵不絕口

采訪冊

鮑蓉生舒城人文生成豐四年集鄉勇攻勦廬江縣賊

克之城復陷同子伯壘罵賊死

采訪冊

吳嘉太舒城人祖籍上元縣成豐四年遇賊不屈被殺

采訪冊

毛士稱舒城人咸豐四年被賊執不屈死其堂弟士儉

續修廬州府志

卷三十七

忠義傳三

四

胞姪興勇亦同日死

采訪冊

王志廣彭玉萬俱舒城人咸豐四年籌運軍米赴知縣

婁公館遇賊被殺

采訪冊

衛承瑜舒城人文童成豐四年隨知縣婁勦賊陣亡又

董德寬王家尤王步軒亦於是年集練守城力竭陣亡

采訪冊

謝開春舒城人咸豐四年從官軍勦賊陣亡又藍翎六

品謝長發隨提督秦定三進攻流賊陣亡

采訪冊

王裕高舒城人咸豐四年賊往鄉擄掠民婦裕高諭以

正言賊怒剖其腹死

采訪冊

丁曰寬呂應昌俱舒城人咸豐四年五月從訓導金上

珍攻城失利賊執丁父憲朝呂父之諧曰寬應昌聞父  
被執自投賊巢求免其父賊釋之曰寬應昌均被剖腹  
而死采訪冊

張齡許榜喬兆端楊芳遠胡應江胡應槐黃臨銀許先  
有俱舒城人咸豐四年帶練勦賊陣亡通志

姜雲路舒城人咸豐四年督鄉勇攻城賊血戰一晝夜  
力不支賊擒之大罵賊剖其心而死采訪冊

鮑厚軒舒城人布經歷咸豐五年奉和春諭招募團練  
迎擊逆匪於春秋山陣亡已請旌卹采訪冊

薛世美舒城人花翎五品咸豐五年帶縣練勇隨官軍  
勦賊連接數仗血戰死采訪冊

續修廬州府志 卷三十七 忠義傳三 聖

劉某紹清楊某昆芳俱舒城人咸豐五年眾起義攻城  
二人集鄉人送食城下路遇賊殺之采訪冊

薛代盈舒城人咸豐五年隨秦軍大營血戰陣亡是年  
又有班德榮在曹家河陣亡采訪冊

方道美舒城人咸豐五年從秦楠集練拒賊失利被賊  
殺采訪冊

王欲治舒城人咸豐五年賊踞城欲治集練攻城勢窮  
被擒罵賊不屈賊剖其心而死其弟欲貴亦死之采訪冊

李啟寬舒城人六品軍功咸豐六年被賊獲割其耳以  
火烙之死采訪冊

秦世宏舒城人從九咸豐六年籌辦軍需送大營遇賊

執拷之數日餓死采訪冊

李祥書舒城人咸豐六年為養親負米遇賊被殺采訪冊

林大謨舒城人咸豐六年帶勇進攻桐城陣亡采訪冊

鍾吉奎鍾吉豐俱舒城人咸豐六年同集義勇首先殺

賊力竭均被擒支解死采訪冊

左厚禮舒城人咸豐六年隨官軍進攻桐城陣亡是年

又有宋宏泰隨營攻賊不敵遇難采訪冊

王文郁舒城人從九咸豐七年春倡辦團練賊突至鄉

人四散文郁衣冠端坐罵賊賊怒殺之已請 旌卹如

例采訪冊

高堃舒城人候補知縣咸豐三年賊犯省城隨兄旭辦

續修廬州府志 卷三十七 忠義傳二 三

理本縣城防旋從主事朱天麟出戰於桐之白沙嶺舒

城陷又會集鄉團攻踞城賊七年從李孟羣由湖北河

南轉戰至舒六疊著戰功保知縣長城之敗堃身被數

十創猶厲聲怒罵手刃數人死之漕督袁甲三奏請奉

旨照例從優議卹並准從祀廬州固始兩處昭忠祠給雲騎尉

世職通志采訪冊

張必柱舒城人咸豐七年二月賊竄境必柱率練勇堵

賊於小界河賊勢眾必柱恃勇斷後被執磔死采訪冊

潘兆甲舒城人同知銜候選訓導咸豐七年隨浙江大

營進勦陣亡又有袁登甲於是年隨營攻賊被殺采訪冊

邱長初邱長華俱舒城人咸豐七年被賊脅不屈殉難

采訪  
冊

張孔峻舒城人咸豐七年遇賊不屈死又有監生葉時芳賊焚其宅脅之不從被殺采訪冊

葉應昌舒城人咸豐七年賊執之不降被殺又有監生張明經賊入其家廟罵賊被殺采訪冊

邱德仁舒城人五品軍功咸豐七年隨營攻和州守賊陣亡其弟德科同日死采訪冊

馮清雲舒城人咸豐七年賊復陷舒清雲集鄉人拒賊不敵遇害采訪冊

宋士瑩舒城人監生成豐七年隨帶團練攻賊於連城畝陣亡采訪冊

續修廬州府志

卷三十七

忠義傳三

三

汪致祥葉純惠傅學英俱舒城人咸豐七年賊擾西鄉致祥起團禦隘純惠學英從之賊大至均被擒同時死采訪冊

韓廷藻韓德林舒城人咸豐七年均被賊擒不屈死之采訪冊

張代宗舒城人咸豐七年途次遇賊被擄與賊拒并厲聲怒罵死之采訪冊

王策本舒城人咸豐七年賊脅不從被殺又有監生蘇先榮被賊執罵不絕口賊殺之采訪冊

朱大成李耀發舒城人咸豐七年均被執罵賊賊怒殺

之采訪冊

盛繼紹舒城人負性正直咸豐七年賊至不避五枝戀

兄亦不忍去賊追殺之采訪冊 按五枝上疑有缺文

楊配林舒城人咸豐七年率家人避亂為賊獲勸之降

不屈被殺采訪冊

蘇懷周舒城人咸豐七年遇賊逼索金銀投水死采訪冊

陶德善陶裕謀陶將興劉紹緒俱舒城人於咸豐七年

遇賊不屈被殺采訪冊

孫金崖舒城人咸豐七年隨官軍進勦桐城守賊被殺

采訪冊

許振貴舒城人咸豐七年賊由曉天鎮竄掠振貴奮拒

之被獲先副其心後殺之采訪冊

續修廬州府志 卷三十七 忠義傳三 四

汪邦伸汪邦傑俱舒城人咸豐七年賊至同與賊力敵

被殺采訪冊

汪正杞舒城人咸豐七年負母逃避遇賊護母被賊殺

之采訪冊

王良棟舒城人咸豐七年賊由霍山蜂擁至焚其宅良

棟遂集練拒賊被殺采訪冊

沙錫榮舒城人咸豐七年為官軍作偵探在梅鎮遇賊

被詰獲殺之采訪冊

童道臨汪恭貴俱舒城人於咸豐七年堵賊陣亡又陳

大耕遇賊不屈被殺采訪冊

高向朝高珊郭西華程文富程大榜程邦華俱舒城人

於咸豐七年遇賊不屈被殺采訪冊

朱文科武文範邵志謨舒城人咸豐七年賊至中梅河文科等偵探賊情均遇害采訪冊

石觀廷舒城人咸豐七年隨官軍在二狼河接仗陣亡采訪冊

李宗沛舒城人咸豐七年被執罵賊死又有陶載林辦理團練亦於是年被賊殺采訪冊

李芬舒城人監生成豐七年被擄罵賊賊斷其首而死又陶紹玉被賊執不屈殺之采訪冊

杜萬朝章咸安章還安章國成杜順成俱舒城人於咸豐七年集練禦賊被殺采訪冊

續修廬州府志

卷三十七

忠義傳三

聖

胡魁舒城人九品軍功與胡德本許盛有胡照林均於咸豐七年集練禦賊被殺采訪冊

束宗鎧舒城人咸豐七年遇賊不屈被殺又有儒童黃兆蘭賊至桃鎮被執不屈與妻同溺死采訪冊

陳為舒城人咸豐七年賊焚其宅與妻端坐死之采訪冊 靳大木舒城人咸豐七年遇賊不屈賊怒剖其腹而死采訪冊

陸聲輝舒城人咸豐七年領鄉勇破賊力竭被殺采訪冊 許家貴舒城人咸豐七年賊至不屈被殺又監生曾元

輔在三河鎮遇賊不屈死采訪冊

曾琳球舒城人文生成豐七年賊踞郡城被擄不屈與

妻子四口俱殉難采訪冊

梁家賓舒城人咸豐七年協同練眾禦賊以力不敵罵

賊而亡采訪冊

鍾兆奎陳榮貴舒城人均花翎都司與五品軍功束宗

秩六品軍功何立常束承琳秦安榮藍翎六品宋兆松

武生徐宗勉並於咸豐八年帶練陣亡采訪冊

鍾禮門舒城人府經歷咸豐七年罵賊被殺又宋先鵬

遇賊不屈死采訪冊

王武元舒城人咸豐七年運送軍米赴甘泉縣公館被

賊殺采訪冊

陶興發舒城人咸豐七年賊竄鄉擄掠父被賊執興發

續修廬州府志 卷三十七 忠義傳二 吳

救父亦被賊擒父子同日遇害采訪冊

朱寶珍舒城人咸豐七年二月從提督秦定三進勦桐

城以糧乏營潰賊犯舒境珍奔南鄉馬鞍山復集練禦

賊為賊所擒不屈被殺采訪冊

周文佑舒城人歲貢生成咸豐七年遇賊衣冠正坐罵不

絕口賊殺之采訪冊

吳世衍舒城人咸豐七年十月賊至西街訪知糧冊在

衍所迫之使獻衍不從罵賊賊怒刮其耳又砍之以傷

重死采訪冊

林佩蘭舒城人六品軍功咸豐七年在籍帶練防勦駐

紫桃溪鎮九月營被賊破佩蘭率弟佩發佩益子雙貴

奮勇救應均同時遇害

采訪冊

宋亦恆舒城人廩生成豐七年春逆賊踞舒蹂躪鄉里

亦恆命家人遠避獨正襟危坐罵賊絕食三日而死賊

退家人斂之

采訪冊

胡大勳舒城人咸豐八年秋三河營潰賊追官兵至勳

門勳持械救之賊大股至砍勳死

采訪冊

余秉純舒城人紹魁子咸豐八年秋賊破馬鞍山寨秉

純持刀禦之傷數賊賊漸眾遂遇害

采訪冊

王廷棟舒城人咸豐八年賊踞縣城廷棟與子玉林潛

集練將攻之賊覺夜圍其莊拘廷棟父子殺於市

采訪冊

張世貴舒城人咸豐八年賊入室脅之降不從賊怒拘

續修廬州府志

卷三十七

忠義傳三

聖

於樹燃鎗擊之死其弟世溥亦被賊害又有史懋發者

被賊砍數刀焚其屋斷其妻手越一日死

采訪冊

李如純舒城人不甚讀書粗識字義咸豐八年秋率其

家人避賊見賊偵騎四人於坡下如純奮然曰禦大寇

自食祿者事似此小敵固吾儕效節致命之秋也乃獨

自操戈躍身與四騎力戰以勢孤被害

采訪冊

王尚文舒城人咸豐八年集團拒賊被賊攜縛其手足

投於火死

采訪冊

姚義元舒城人咸豐八年城復陷賊逼授以偽官不從

被賊拘之夜逸投河死

采訪冊

沈武岫舒城人咸豐八年督團攻賊被擒不屈死

采訪冊



沈懷瑩趙文魁傅國點高上元趙玉堂李德高龔發祥龔發揚石龍飛張文彩張文亮余光才舒城人均於咸豐八年督團堵賊接仗陣亡采訪冊

袁良才舒城人咸豐八年督團攻賊被獲不屈投河死采訪冊

趙宗堂舒城人監生成咸豐八年賊陷城脅之降不屈死采訪冊

趙宗銘舒城人藍翎五品咸豐八年堵賊陣亡又王學美集練堵賊不克死采訪冊

邱長隆舒城人咸豐八年遇賊不屈死又汪占麟拒賊被殺采訪冊

續修廬州府志 卷三十七 忠義傳三 哭

薛玉清舒城人咸豐八年隨副將盧又熊進勦傷重死采訪冊

董德貴董春生俱舒城人克舒後隨音營於咸豐八年攻和州陣亡采訪冊

韓履懷韓履德俱舒城人咸豐八年率眾堵擒被擒均不屈死采訪冊

汪迺宣汪迺珍俱舒城人咸豐八年賊執不屈同日被害同時又有黃龍化賊執不屈死之采訪冊

沙明玉張必貴俱舒城人咸豐八年與五品軍功鍾興龍隨盧營血戰陣亡采訪冊

林傳銘舒城人咸豐八年帶練追賊被殺又汪元禮集

練攻賊不克而死采訪冊

呂常德舒城人充本縣精壯營隊長屢獲勝仗咸豐八年被賊圍死之采訪冊

石含真舒城人隨盧營駐紮三門蕩咸豐八年七月營潰戰死采訪冊

洪正剛舒城人隨盧營効力咸豐八年營失守與姪惠保俱死采訪冊

龔天秩舒城人咸豐八年賊搜掠其家與姪心成同時遇害采訪冊

趙國正舒城人咸豐八年賊執不屈遇害又趙上達賊拷索其糧拘殺之采訪冊

續修廬州府志 卷三十七 忠義傳二 四

徐守春徐守和汪永召汪臨元張斯榮俱舒城人於咸豐八年從盧軍攻城陣亡采訪冊

林大有林大文俱舒城人咸豐八年帶勇攻廬江守賊陣亡采訪冊

張人玉舒城人咸豐八年帶練勇禦賊不克遇難采訪冊

宋禛瀛舒城人咸豐八年隨盧軍攻賊被賊黑夜撲營殺之采訪冊

張宗式舒城人咸豐八年隨李營在三河攻賊陣亡又張起波賊擄不從賊怒焚其屋不出死之采訪冊

陳理智陳履中楊正裕俱舒城人咸豐八年為捻逆所執不屈而死采訪冊

黃占玉舒城人咸豐八年集鄉勇拒賊不敵被殺其弟  
占春子宗盛均死之采訪冊

靳宗白舒城人咸豐八年幫帶團練賊執之不屈被害采訪冊

靳茂奇舒城人咸豐八年集鄉勇禦賊眾潰被執與弟  
茂義均不屈死采訪冊

王朝標舒城人咸豐八年粵逆肆毒焚掠居民朝標挺  
身出率子承烈孫尙本衝鋒殺賊同日遇害采訪冊

傅大桂舒城人咸豐八年帶練勇守營營破罵賊被殺采訪冊

傅大德舒城人咸豐八年賊至欲殺其父母呼救之被  
續修廬州府志 卷三十七 忠義傳三 辛

被殺采訪冊

周成洛舒城人文生咸豐八年奉秦定三委辦團練被  
賊傷越日死采訪冊

顧洛書舒城人廩生以忠孝存心咸豐八年率練攻城  
賊大股至遇害同時有趙延銀亦以集帶鄉勇攻賊殉

難采訪冊

趙勤春何金發張福華俱舒城人於咸豐八年遇賊不  
屈被殺采訪冊

劉代珍舒城人江西饒州衛劉柱臣長子投盧營効力  
咸豐八年營潰被執死之采訪冊

張廷柱舒城人咸豐八年被賊擒命為鄉導搜掠富戶

抵死不從賊用紙條燃油插鼻孔焚之復數賊罪罵不絕口賊怒用被絮澆油燒死采訪冊

慈鴻勳舒城人監生成豐八年與葉啟宇葉啟亮戴榮

春罵賊不屈同死采訪冊

程逢年舒城人監生成豐八年與花裔蔭集練殺賊力

竭均被殺采訪冊

韋斌號凌源舒城人生負異才精易理孝義著於鄉咸

豐三年春粵逆竄舒人心蠢動道路梗塞斌傾貲募丁

築堡防禦首誅土豪扼擊流賊賊不敢犯其境防守六

載殺賊至多賊恨之刺骨且其堡當英六潛霍之衝賊

往來失利有戒心九年春二月賊招集英霍十萬眾圍

續修廬州府志 卷三十七 忠義傳三 五

撲以眾寡勢殊遂不支堡陷斌手刃數賊被創死子漕

標千總庠生定功八品頂戴定矩孫恩福恩德恩重恩

善恩長恩林恩義暨練丁鄉老弱一百七十餘人殉焉

媳張氏暨鄉婦女二十餘人均同時遇害經江督曾國

藩奏請奉

旨例卹著建專祠子孫及鄉老弱一百七十餘人附焉另建張

氏專坊同死之婦女二十餘人附焉又斌之長子江蘇

候補縣丞鴻勳姪文生定業均於上年積勞病歿例亦

得卹通志采訪冊

田孟忠舒城人咸豐九年從父避亂途遇賊其父被擄

孟忠請以身代賊殺之采訪冊

劉紅蓮張道德俱舒城人於咸豐九年堵賊陣亡又陳  
爲福葛斯福曹正廣許盛富亦堵賊陣亡

采訪冊

姚其林舒城人傭工於韋姓家咸豐九年賊至韋莊被  
獲弔拷不屈賊割其耳縱之仍投於火死

采訪冊

武勝友舒城人咸豐九年被賊擒縊殺之又畢啟發汪  
義和胡百成俱被賊擒不屈死

采訪冊

余從禮余章揚徐從一邵明懷俱舒城人從禮充當練  
勇咸豐九年同章揚等三人探賊遇害

采訪冊

張倫才舒城人花翎千總隨直隸提督大營勦賊後從  
都統善慶於咸豐九年追殺偽魯逆受傷陣亡

采訪冊

續修廬州府志

卷三十七

忠義傳三

五

戰死

采訪冊

黃獻長舒城人幼讀書知文義年十九隨父貿易合肥

咸豐九年偽英逆自六窰廬獻長父老且病同時被擄  
令負衣糧力不任加賊捶楚獻長以身代之哀求釋去

嗣賊搜其身畔得金飾疑爲富商拷掠百端次日行至  
高劉集賊復令荷重物獻長泣且罵曰吾被獲時早辦

一死所以忍耐須叟者以父未脫身耳今計決矣賊怒  
挾以利刃罵愈厲遂遇害

采訪冊

左振智舒城人文童咸豐十年與左振壯左秉和左業  
球左良佐左邦敘集練拒賊不克並死之

采訪冊

汪道洪舒城人咸豐十年帶勇拒賊被賊伏兵襲其後

遇害又楊大榮從官軍攻賊陣亡采訪冊

常厚福章臨成俱舒城人咸豐十年桐城賊大股犯境

集練防堵賊從小道襲其後均被殺采訪冊

王觀榜舒城人咸豐十年賊至以薙髮觸怒遇害又薛

代哲賊執不屈被殺采訪冊

孫頤舒城人五品銜從九辦理團練咸豐十一年粵匪

大至帶練禦賊殉難屍骸無踪已請旌卹冊采訪

程芹生舒城人六品軍功從九品銜生隨同副將張應

祿辦理文案咸豐十一年蘇省城陷芹生時守葑門殉

難已請旌卹冊采訪

潘鵬飛舒城人咸豐十一年賊肆掠鄉境飛厲聲責之

續修廬州府志 卷三十七 忠義傳三 五

賊拘鵬飛至小關殺之拋其尸於山下采訪冊

賈敦科舒城人咸豐十一年賊擄不從賊焚其宅自投

水死采訪冊

周章馥舒城人文童咸豐十一年賊肆焚虐率練丁百

餘人禦賊殉難同時又有班國多者帶練禦賊戰死之

采訪冊

李明盛馮明貴舒城人咸豐十一年遇賊被執不屈均

死之采訪冊

費紹鑑舒城人咸豐十一年賊焚其屋被執不屈死之

采訪冊

張兩端葉炳成何興仁汪正倉金長應朱雙九馮德盛

章保林朱方青徐維彩朱方名儲京元朱志廣許正有  
劉舒益朱九紫劉長盈俱舒城人充當練勇咸豐十一  
年堵賊於沙嶺檫杆嶺楓香坳大馬嶺烏沙牛額嶺等  
處陣亡采訪冊

徐可仁舒城人於咸豐年間負母避亂遇賊殺母護救  
亦被殺采訪冊

褚孝竹舒城人與文生朱林監生查斌於咸豐年間率  
勇攻賊均積勞嘔血死采訪冊

涂我貞舒城人六品軍功咸豐年間隨營攻賊被殺之  
采訪冊

汪德盛舒城人千總効力淮軍同治元年攻湖州陣亡  
續修廬州府志 卷三十七 忠義傳三 番

趙繼昌舒城人六品軍功把總同治二年從鼎字營在  
采訪冊

常州徐家坎陣亡采訪冊

王道蕃舒城人同治二年遇賊被脅大罵不屈死采訪冊

石胆成舒城人守備銜千總同治二年從銘字營克復  
常州陣亡采訪冊

汪得勝舒城人擬保千總六品軍功同治三年從鼎字  
營在浙江湖州陣亡采訪冊

胡永泰舒城人花翎守備銜把總同治三年在湖州展  
舍陣亡采訪冊

趙宜秀舒城人守備同治七年在滑縣勦賊陣亡奉

旨賜卹加都司銜給雲騎尉世職采訪冊

楊步宏舒城人光緒三年隨巡撫張營攻勦回匪傷重

捐軀采訪冊

孫明亮號印松舒城人運同銜江蘇直隸州殉節軍營奉

旨贈太僕寺卿銜廕一子以知縣用

御賜祭葬崇祀江蘇昭忠祠采訪冊

吳維章舒城人從銘軍擊賊有功歷保副將湖北尹澂河之戰奮身馳敵力竭陣亡事聞奉

旨贈總兵銜給騎都尉世職入祀死事地方及本籍府城昭忠

祠史館立傳通志采訪冊

續修廬州府志卷三十七忠義傳三

三

許成宗舒城人把總隨營攻浙江湖州府成舍擊賊陣

亡由蘇撫李鴻章奏准入祀無錫昭忠祠通志采訪冊

趙繼鼎舒城人藍翎千總從銘軍擊賊陣亡兵部議准

給卹銀兩加贈守禦所千總銜世襲雲騎尉通志采訪冊

秦鳴鶴舒城人從九居三河與邑人李廷豔謀夜入三

河舉火誘賊出約官兵自外襲取之火舉而賊不出故

無功後賊執鳴鶴以油炬燒殺之廬江志作廬江人抽腸死已請

旌卹通志采訪冊

徐士交舒城人監生遇賊大罵賊以刀脅之士交猝奪

其刀欲以殺賊不勝被殺經楊秉璋奏請奉

旨飭建專祠奏案



何安泰舒城人明御史何塘之裔從提督陳學啟立功安慶隸開字營前蘇撫李鴻章調之從征上海轉戰至蘇州大小數十仗皆奮不顧身殺獲甚眾積功至提督銜簡放總兵諸軍之在江南者開字營最稱勇銳而安泰又開營著名驍將每有征伐無不先登陷陣輒取勝學啟深倚之後從攻嘉興執戈先登諸軍繼之城遂下而安泰竟以猛進中礮死事聞照提督陣亡例

賜卹

建立專祠予世職贈太子少保銜

通志采訪冊

舒世芬舒城人庠生帶練禦賊陣亡於同治年奉

旨旌卹祠坊

通志

曾如皞舒城人五品藍翎監生集練丁隨提督秦定三

續修廬州府志

卷三十七

忠義傳三

三

攻桐城賊營兵潰賊執如皞以熱湯澆之剝皮而死兩

江忠義局采訪列十七案具奏奉

旨卹贈如例

采訪冊

樊熙朝舒城人甯國縣訓導賊陷甯邑死之闔室二十

餘口同時被害經安撫喬松年具奏奉

旨議卹給予雲騎尉世職

采訪冊

張宗湛舒城人武生帶練隨青陽巡檢沈承怡攻賊廬

江遇害已

旌通志采訪冊

黃先楸舒城人監生與其姪舒晴同在桃鎮防堵死於

賊子舒暢亦以救父被殺已

旌通志采訪冊

蔣愷舒城人議敘八品賊執不屈殺之已

旌采訪冊

黃鳳揚舒城人文生集練禦賊於烏沙被執不屈死之

已 旌 通志 采訪冊

黃綬舒城人從九集練禦賊被殺又監生謝傳傑武生戴南英帶練陣亡文生黃甲罵賊被殺均奉

旨旌卹 通志 采訪冊

陳仁倫舒城人貢生罵賊被殺又文生鮑豐歧與子伯

堯同攻廬江死難均已 旌 采訪冊

江文波戴雲皆舒城人武生帶練陣亡已 旌 通志 采訪冊

王德元舒城人恩貢生從兵備道何勦賊至英山死難

已 旌 采訪冊

張信珠舒城人五品軍功從總兵音布進勦和州陣亡

續修廬州府志 卷三十七 忠義傳三 五

已請 旌卹 采訪冊

曾延長舒城人六品軍功隨營在廬郡陣亡已 旌卹

入祠坊 采訪冊

劉代理舒城人六品軍功帶練陣亡又八品軍功李公

順隨知縣甘文瀾在桃鎮遇害均已 旌 通志 采訪冊

黃先紳舒城人文生在廬州府帶勇守小東門城陷陣

亡又練勇張升攻賊戰死俱已 旌卹 通志 采訪冊

王桂舒城人監生被執不屈殺之其母葛氏痛哭罵賊

亦見殺 采訪冊

王大勝舒城人監生賊至索糧不與賊怒拔刀刺之腸

出罵不絕口賊復殺之 采訪冊

童道南舒城人被賊擒張目罵之賊怒剜眼割舌復殺之

采訪冊

李炳揚舒城人提督秦定三攻舒炳揚夜至城濠邊拔木塞入城結內應謀泄賊擒炳揚及其妻卜氏殺之支解其屍同謀者柏正祥秦尙發卜發榮徐春元四人皆遇害

通志采訪冊

秦楠舒城人五河縣訓導集練於曹家河與賊戰相持數日力竭死

采訪冊

沈先志舒城人監生被賊囚拷十餘日乃殺之又監生薛世長被賊執不屈亦被殺

采訪冊

李象賢佾生方道圓監生均舒城人遇害不屈死又恩

續修廬州府志

卷三十七

忠義傳三

五

貢徐汝楫被賊擒拷不屈死

采訪冊

高學毅舒城人文生賊至不屈投水死又文生魏和喜沈寶書葉春遇賊不屈被殺

采訪冊

張文淵舒城人文生年八十與同邑文生許淦均罵賊被殺

采訪冊

李植舒城人監生賊至不屈投水死又監生張文灝王德本胡履安李恩隆均被賊擒不屈死又監生宋寔被賊執活埋死

采訪冊

趙福堂舒城人監生賊至不屈與妻宋氏同日被賊殺之

采訪冊

王蘭香舒城人文生賊執之不屈囚數月乃殺之

采訪冊

李含英舒城人文生在營効力以隨同勦賊陣亡采訪冊

汪灝舒城人恩貢生年七十餘與監生張洪謨均賊至

不食死采訪冊

陳景芳舒城人文生被賊逼不屈死又從九湯廷英賊

擄不從被殺采訪冊

王立業舒城人績學不遇教其弟靜涵舉於鄉賊至不

屈與從子承烈姪孫本生同日遇害采訪冊

祝天培舒城人充當縣吏隨秦楠擊賊於曹家河眾潰

與其兄宗培子仲魁肇仁肇義俱被賊殺燬其屍采訪冊

王湏舒城人守禦所千總被賊擒不屈而死又舉人徐

飛鳳亦被擄不屈遇害采訪冊

續修廬州府志 卷三十七 忠義傳三 五

章學毅舒城人六品軍功帶練禦賊被殺又有文生薛

世芬亦集練禦賊受傷死通志采訪冊

葉貴舒城人與子邦發同日被殺又李學會闔家男女

四人亦同被殺采訪冊

石音和舒城人隨練禦賊被擒剖心殺之其弟音諧亦

被殺又方正發隨練勦賊被執剖腹死采訪冊

程炳堯舒城人監生與高東寅樊貽哲傅大潮均罵賊

不屈死東寅並遭支解采訪冊

周鍊舒城人與子周枚隨練在營攻賊陣亡又周梅隨

秦營差遣賊追殺之采訪冊

陳安邦舒城人外委從訓導金上珍攻城不克死采訪冊

段廷碩舒城人賊至與子士惠士悉同日被殺

采訪冊

徐天揚徐天海徐世堂徐世靈俱舒城人賊至均不屈

死又文童周銳賊脅之不屈遇害

采訪冊

潘大舒城人係李惟有之婿賊擄不屈被賊縛於樹剖

其腹而死

采訪冊

胡廷祥王天長姚大春張鳳朝舒城人集鄉勇攻勦縣

城守賊被獲不屈俱死之

采訪冊

余書彩余祥雲李三傑王兆蓉朱和兀呂攀桂魏得志

章世和李志董鳳友錢春才錢榮彩俱舒城人同戰賊

於小關陣亡

采訪冊

王泰生舒城人都司從淮軍進勦西捻血戰陣亡又花

續修廬州府志

卷三十七

忠義傳三

卒

翎五品張明發藍翎六品張明理俱從秦軍陣亡

采訪冊

王聯科舒城人花翎五品把總隨盧又熊大營擊賊營

潰死之又徐鳳揚在和州攻賊陣亡

采訪冊

靳學波舒城人監生遇賊被執罵不絕口受傷死又黃

榮富罵賊於其家賊忿支解之

采訪冊

曾如蘭舒城人文生賊至不屈殉難又五品軍功議敘

八品計蕙林遇賊不屈死

采訪冊

曹賢舒城人六品藍翎有勇畧從知縣婁攻賊於三河

鎮以援賊甚眾力孤被執罵不絕口賊殺之

采訪冊

附寄籍

張桂林貴州人寄居廬江在羅昌河率練勦捻捍衛地

方擒斬有功咸豐十年同張兆雲項鳳生項廷佐俱陣  
亡縣志

續修廬州府志

卷三十七

忠義傳三

空

